

Në bazë të nenit 38, paragrafi 1, pika 2 të Ligjit për vetëqeverisjen lokale ("Fletorja zyrtare e MZ", nr. 2/18 dhe 34/19) dhe nenit 27 të Statutit të Komunës së Ulqinit ("Fletorja zyrtare e MZ – dispozitat e komunës", nr. 48/19), Kuvendi i Komunës së Ulqinit, në mbledhjen e mbajtur, më \_\_\_\_ . \_\_\_\_ . 2020 ka nxjerrë

**VENDIMIN**  
**për kushtet, procedurën dhe mënyrën e ndarjes së mirënjohjeve dhe çmimeve publike të Komunës së Ulqinit**

**I DISPOZITAT E PËRGJITHSHME**

**Neni 1**

Me Vendimin për mirënjohjet dhe çmimet publike të Komunës së Ulqinit (në vazhdim: Vendimi) rregullohen mirënjohjet dhe çmimet publike të Komunës së Ulqinit, kushtet, procedura dhe mënyra e ndarjes së tyre.

**Neni 2**

Termet të cilët në këtë Vendim përdoren për personat fizikë në gjininë mashkullore, nënkuptojnë po ato terma në gjininë femërore.

**Neni 3**

Komuna e Ulqinit ndan Mirënjohje dhe çmime publike, me qëllim të njohur arritjet dhe kontributin e jashtëzakonshëm me rëndësi të veçantë për zhvillimin dhe reputacionin e Komunës së Ulqinit, realizimin dhe zhvillimin e demokracisë dhe qetësisë në Mal të Zi apo në botë, e veçmas për sukseset e jashtëzakonshme në avancimin e sipërmarrsisë, ekonomisë, arsimit, artit, kulturës, mbrojtjen dhe avancimin e mjedisit, sportit, shëndetësisë, mbrojtjes shëndetësore dhe format e tjera të jetës shoqërore, që janë një kontribut i jashtëzakonshëm për zhvillimin dhe reputacionin e Komunës së Ulqinit.

**II LLOJET E MIRËNJOHJEVE DHE ÇMIMEVE PUBLIKE DHE MËNYRA E NDARJES**

**Neni 4**

Mirënjohjet publike dhe çmimet e Komunës së Ulqinit janë:

- a) Qytetar nderi i Komunës së Ulqinit,
- b) Mirënjohja e Komunës së Ulqinit për veprën jetësore,
- c) Çmimi vjetor i Komunës së Ulqinit dhe
- d) çmime të tjera.

- a) Titulli "Qytetar nderi i Ulqinit"

**Neni 5**

Titulli "Qytetar nderi i Ulqinit" mund të ndahet vetëm nënshetësit të Malit të Zi ose shtetasit të huaj i cili me punën e tij, shkencore ose me veprimtarinë politike, në mënyrë të dukshme ka kontribuar në përparimin dhe avancimin e reputacionit të Komunës së Ulqinit, dhe i cili ka merita të jashtëzakonshme në fushën e mbrojtjes dhe avancimit të mjedisit, pozitës dhe reputacionin e Ulqinit dhe statusin e tij në raport me qytetet e tjerë në vend dhe jasht tij.

**Neni 6**

Titulli "Qytetar nderi i Ulqinit" ndahet në formë të Diplomës.

**Neni 7**

Propozimin për ndarjen e titullit "Qytetar nderi i Ulqinit" mund ta parashtrojnë: Kryetari i Komunës, këshilltari në Kuvend dhe së paku 2 % e qytetarëve nga numri i regjistruar në listën zgjedhore të Komunës së Ulqinit nga zgjedhjet e fundit të mbajtura.

Propozimi parashtrohet me shkrim me arsyetim të hollësishëm.

**Neni 8**

Vendimin për ndarjen e titullit "Qytetar nderi i Ulqinit" e nxjerr Kuvendi i Komunës së Ulqinit.

#### **Neni 9**

Procedurën për ndarjen e titullit "Qytetar nderi i Ulqinit" e zbaton Komisioni për ndarjen e titujve, të cilin e emëron Kuvendi i Komunës nga radhët e punëtorëve të dalluar nga fusha e shkencës, ekonomisë, kulturës dhe publikë dhe OJQ.

Komisionin e përbëjnë Kryetari dhe katër anëtarë.

Mandati i Komisionit zgjatën sa edhe mandati i Kuvendit.

#### **Neni 10**

Komisioni nxjerr Rregulloren e punës.

Me Rregullore rregullohet mënyra e punës si dhe çështje të tjera me rëndësi për punën e Komisionit.

Punët profesionale dhe administrative – teknike për punën e Komisionit i kryen Sekretariati për administratë dhe veprimtari shoqërore i Komunës së Ulqinit.

#### **Neni 11**

Komisioni konfirmon propozim Vendimin për ndarjen e titullit "Qytetar nderi i Ulqinit" dhe atë me arsyetim ia dorëzon Kuvendit për miratim.

Kuvendi i Komunës vendosën për ndarjen e titullit "Qytetar nderi i Ulqinit".

#### **Neni 12**

Vendimin dhe arsyetimin për ndarjen e titullit "Qytetar nderi i Ulqinit" e komunikon në mbledhje Kryetari i Komunës së Ulqinit, me rastin e dorëzimit të diplomës.

Diplomën për titullin "Qytetar nderi i Ulqinit" e dorëzon Kryetari i Komunës.

#### **Neni 13**

Diploma ka formë katërkëndëshe, e punuar në pergamenë, kaligrafisht e shkruar në gjuhën dhe shkrimin malazez, shqip dhe anglisht, me pllakëza argjendi (alt: praruara), në të cilat është stema e Malit të Zi dhe stema e Komunës së Ulqinit.

#### **Neni 14**

Diploma "Qytetar nderi i Ulqinit" ndahet çdo të katërtin vit, me rastin e Ditës së Komunës së Ulqinit, në mbledhjen solemne të Kuvendit.

#### **Neni 15**

Titulli "Qytetar nderi i Ulqinit" do t'i merret bartësit në rastin kur është i dënuar me akt gjykim të formës së prerë me dënim të pakushtëzuar me burgim, e cila e bënë të padenjë për këtë mirënjohje publike.

Vendimi për marrjen e titullit "Qytetar nderi i Ulqinit" nxirret sipas procedurës së konfirmuar për ndarjen e tij.

b) Mirënjohja e Komunës së Ulqinit për veprën jetësore

#### **Neni 16**

Mirënjohja e Komunës së Ulqinit për veprën jetësore është mirënjohje publike e cila i ndahet personit fizik për të arriturat e përgjithshme për avancimin e shkencës, ekonomisë, shëndetësisë dhe mbrojtjes sociale, sportit, artit, kulturës, arsimit dhe formave të tjera të jetës shoqërore, të cilat paraqesin një kontribut të jashtëzakonshëm për zhvillimin dhe reputacionin e Komunës së Ulqinit.

#### **Neni 17**

Mirënjohja e Komunës së Ulqinit për veprën jetësore ndahet në formë të pllakës.

#### **Neni 18**

Të drejtën për ndarjen e Pllakës mund ta realizojnë individët të cilët jetojnë në territorin e Komunës së Ulqinit apo jashtë territorit të saj, nëse arrijtjet e tyre kanë një rëndësi të posaçme për Komunën e Ulqinit.



#### Neni 19

Pllaka e Komunës së Ulqinit ndahet në mbledhjen solemne me rastin e Ditës së Komunës së Ulqinit ose me rastin e përvjetorëve të ndryshëm, shënimit të festave shtetërore dhe manifestimeve të tjera.

#### Neni 20

Mirënjohja për veprën jetësore të njëjtit person mund t'i ndahet vetëm një herë.  
Mirënjohja e Komunës së Ulqinit për veprën jetësore, kur ekzistojnë shkaqe të arsyeshme, mund të ndahet edhe pas vdekjes.

c) Çmimi vjetor i Komunës së Ulqinit

#### Neni 21

Çmimi vjetor i Komunës së Ulqinit i ndahet një personi të vendit apo të huaj fizik apo juridik për arritjet dhe kontribut në dy vitet e fundit, që janë të një rëndësie të veçantë për Komunën e Ulqinit.

#### Neni 22

Çmimi vjetor i Komunës së Ulqinit ndahet në formë të Fletëfalënderimit dhe në një shumë monetare që nuk mund të jetë më e vogël se një, e as më e madhe se tri rroga neto mujore të paguara në muajin i cili i paraprinë muajit në të cilin ndahet çmimi.

#### Neni 23

Çmimi vjetor i Komunës së Ulqinit ndahet në mbledhjen solemne me rastin e Ditës së Komunës së Ulqinit ose me rastin përvjetorëve të ndryshëm, shënimit të festave shtetërore dhe manifestimeve të tjera.

ç) çmimet e tjerë

#### Neni 24

Çmimet e definuara në nenin 26 të Statutit të Komunës së Ulqinit ndahen në formë të Fletëfalënderimeve dhe në shuma monetare, dhe atë në lartësinë e një rroge mesatare neto e paguar në muajin i cili i paraprinë muajit në të cilin ndahet çmimi.

Neni 25

Çmimi nga neni 24 i këtij Vendimi ndahet në mbledhjen solemne me rastin e Ditës së Komunës së Ulqinit ose me rastin përvjetorëve të ndryshëm, shënimit të festave shtetërore dhe manifestimeve të tjera.

### III PROCEDURA E PARASHTRIMIT TË PROPOZIMEVE PËR NDARJEN E MIRËNJOHJEVE DHE ÇMIMEVE PUBLIKE

#### Neni 26

Procedurën e propozimit, vendimmarrjes dhe ndarjes së Mirënjohjeve dhe çmimeve publike nga neni 4, paragrafi 1, alinea b), c) dhe ç) të këtij Vendimi, e realizon Juria për ndarjen e Mirënjohjeve dhe çmimeve publike e Komunës së Ulqinit (në vijim: juria), e cila shpallë thirrjen publike për mbledhjen e propozimeve për ndarjen e Mirënjohjeve dhe çmimeve deri, më 10 tetor të vitit aktual.

#### Neni 27

Të drejtën e propozimit të kandidatëve e kanë: Kryetari i Komunës, trupat punuese të Kuvendit, këshilltari, shoqëritë ekonomike, organizatat joqeveritare, organizatat sportive dhe organizatat e tjera, bashkësitë lokale, individët dhe subjektet e tjerë, dhe atë deri, më 31 tetor të vitit aktual.

Propozimet e parashtruara jashtë kohe nuk mund të shqyrtohen.

#### Neni 28

Propozimet për ndarjen e Mirënjohjeve dhe çmimeve publike të Komunës së Ulqinit parashtrohen me shkrim.

Propozimi i shkruar për ndarjen e Mirënjohjeve dhe çmimeve publike të Komunës së Ulqinit detyrimisht duhet të përmbajë këto të dhëna: emrin dhe mbiemrin, përkatësisht emrin e parashtruesit të propozimit, vendbanimin ose selinë e parashtruesit të propozimit, emrin e mirënjohjes publike dhe çmimit dhe fushën për të cilën parashtrohet propozimi, arsyetimin e hollësishëm, përkatësisht të arriturat dhe kontributin në të cilin parashtruesi i mirënjohjes dhe çmimit publik të Komunës së Ulqinit

#### Neni 29

Vendimin për ndarjen e Mirënjohjeve dhe çmimeve publike e nxjerr juria. Kryetarin dhe anëtarët e jurisë i emëron Kuvendi i Komunës për një periudhë prej dy vitesh dhe ata mund të rrimërohen, por jo më shumë se dy herë radhazi. Propozimin për zgjedhjen e anëtarëve të jurisë Kuvendit ia paraqet Kryetari i Komunës.

#### Neni 30

Juria ka kryetarin dhe katër anëtarë. Anëtarë të jurisë emërohen personalitete të shquar publike, të kulturës, shkencorë, shëndetësorë dhe sportive. Juria në mbledhjen e parë konstituive nxjerr Rregulloren e punës. Në rastin e pushimit të mandatit një anëtar i të jurisë, anëtarit të ri mandati i zgjatën aq sa zgjatën mandati i jurisë.

#### Neni 31

Juria vendosë në mbledhje. Për rrjedhën e mbledhjes dhe votimit mbahet procesverbal. Juria sjell vendime me shumicën e votave të të gjithë anëtarëve. Në rast të nevojës së verifikimit dhe shpjegimit të të dhënave nga propozimi, juria mund të kërkojë mendim nga organet kompetente shtetërore dhe organet e vetëqeverisjes lokale. Në rast të nevojës me rastin e shqyrtimit të propozimeve të parashtruara, juria mund të konsultohet me ekspertët për disa fusha.

#### Neni 32

Vendimin dhe arsyetimin për ndarjen e mirënjohjes publike, përkatësisht çmimit e komunikon në mbledhjen solemne të Kuvendit kryetari i jurisë, me rastin e dorëzimit të mirënjohjes, përkatësisht çmimit. Juria nuk do të nxjerr vendimin për ndarjen e mirënjohjeve dhe çmimeve publike nëse vlerëson që kandidati i propozuar nuk i plotëson kushtet për ndarjen e tyre. Mirënjohjen publike dhe çmimin i nënshkruan Kryetari i Komunës dhe Kryetari i Kuvendit të Komunës.

#### Neni 33

Juria ka të drejtë në kompensim për punë. Lartësinë e kompensimit nga paragrafi 1 i këtij neni e përcakton Kryetari i Komunës së Ulqinit.

### IV DISPOZITAT KALIMTARE DHE PËRFUNDIMTARE

#### Neni 34

Punët profesionale dhe administrative, si dhe evidencën për mirënjohjet dhe çmimet publike i bënë Sekretariati për administratë dhe veprimtari shoqërore.

Neni 35

Ky vendim hynë në fuqi ditën e tetë pas botimit në "Fletoren zyrtare të MT – dispozitat e komunës".

Numër: \_\_\_\_\_  
Ulqin, më \_\_\_\_ . \_\_\_\_ . 2020

**KUVENDI I KOMUNËS SË ULQINIT**

**KRYETARI I KUVENDIT**  
Dr. Ilir Çapuni d.v.



## ARSYETIM

### I Baza juridike për nxjerrjen e vendimit

Bazën juridike për nxjerrjen e këtij vendimi e përmbajnë dispozitat e nenit 38, paragrafi 1 pika 2 të Ligjit për vetëqeverisjen lokale ("Fletorja zyrtare e MZ", nr. 2/18 dhe 34/19) dhe nenit 27 të Statutit të Komunës së Ulqinit ("Fletorja zyrtare e MZ – dispozitat e komunës", nr. 48/19), me të cilat është parashikuar që Kuvendi nxjerr dispozita dhe akte të tjerë, si dhe që kushtet, procedura, mënyra e ndarjes së mirënjohjeve dhe çmimeve publike dhe çështe të tjera, rregullohen me vendim të posaçëm të Kuvendit të Komunës.

### II Arsyet për nxjerrjen e vendimit

Propozimi i këtij vendimi është përgatitur me qëllim të krijimit të premisave për ndarjen e mirënjohjeve dhe çmimeve të Komunës së Ulqinit që janë konstatuar me Statut të Komunës së Ulqinit, e me këtë më për së afërmi të definohen kushtet, procedura dhe mënyra e ndarjes së mirënjohjeve dhe çmimeve.

### II Shpjegimi i instituteve themelore juridike

Me këtë vendim parashikohet lënda e rregullimit të vendimit (neni 1), përcaktohen personat të cilëve u ndahet kjo mirënjohje publike (neni 3), përcaktohet lloji dhe mënyra e ndarjes së mirënjohjeve dhe çmimeve publike (neni 4 deri te neni 9), parashikon procedurën për ndarjen e mirënjohjeve publike (neni 9 deri te neni 13), formën dhe përmbajtjen e diplomës dhe mënyrën e dorëzimit (neni 9 deri te neni 13), marrjen e mirënjohjes publike të ndarë (neni 15), parashikon kushtet dhe përcakton personat të cilët mund të realizojnë të drejtën në ndarjen e mirënjohjeve dhe çmimeve publike nga neni 4, paragrafi 1, alinea b), c) dhe ç) (neni 16 deri te neni 25), si dhe procedurën e parashtrimit të propozimeve dhe ndarjes së mirënjohjeve dhe çmimeve publike (neni 26 deri te neni 33). Në dispozitat kalimtare dhe përfundimtare është de finuar organi për kryerjen e punëve profesionale dhe administrative për nevojat e jurisë (neni 34) dhe parashikon kohën e hyrjes në fuqi – vocacio legis, të këtij vendimi (neni 35).

### IV Mjetet e nevojshme për zbatimin e vendimit

Për zbatimin e këtij vendimi nevojitet të sigurohen mjete në Buxhetin e Komunës së Ulqinit.